

Исро ва Меърож ҳодисалари кишилар иймонини синаш омили ҳамдир



15:00 / 28.02.2022 2801

Исро ва Меърож бир-биридан фарқланади. «Исро» сўзи луғатда «кечанинг бир қисмida сайр қилиш, юриш»ни англатади. Шариатда эса Аллоҳ таолонинг кечалардан бирида Пайғамбаримиз Мұхаммад соллаллоҳу алайҳи васаллам Масжидул Ҳаромдан Масжидул Ақсога сайр қилишларига айтилади.

Шуни ҳам таъкидлаб айтиш лозимки, Исро ҳодисаси туш эмас, рухий сафар ҳам эмас, балки Пайғамбар соллаллоҳу алайҳи васалламнинг ҳам жасадлари, ҳам рухлари ила қилган сафарлари дидир. Агар туш ёки рухий сафар бўладиган бўлса, бу воқеанинг мўъжизалиги қолмас эди.

«Меърож» луғатда «юқорига кўтарилиш» деган маънони англатади. Шариатда эса Пайғамбаримиз Мұхаммад соллаллоҳу алайҳи васалламнинг Байтул Мақдисдан Сидратул Мунтаҳога – Аллоҳнинг ҳузурига кўтарилишларига айтилади.

Мұҳаддисларнинг ривоят қилишларича, Набий соллаллоҳу алайҳи васаллам хуфтон намозидан сўнг Умму Ҳониъ бинти Абу Толибнинг уйида

ухлаб ётганларида, Исро ҳодисаси бошланди. Ўша кечаси Байтул Мақдисга Буроқ номли ҳайвонга миниб бордилар. Сўнгра у ердаги катта харсанг тош устида турганларида Меърожга кўтарилилар. Ҳозирда ўша тош устига қубба – гумбаз қурилган, думалоқ бино шаклидаги суратлари бутун дунёга тарқатилган. Кўпчилик билмасдан, уни Масжидул Ақсо деб тушунадилар.

Ушбу ҳодисалар Ражаб ойининг йигирма еттинчи кечасида инсоният тарихидаги энг муҳим воқеалардан бирига айланди.

Аллоҳ таоло Қуръон Каримда: «**Ўз бандасини кечаси Масжидул-Ҳаромдан атрофини баракали қилганимиз Масжидул-Ақсога оятмўъжизаларимизни қўрсатиш учун сайр қилдирган Зот пок бўлди. Албатта, У эшигувчи ва кўргувчи Зотдир**», (Исро сураси, 1-оят) деган.

Бу ояти каримада Аллоҳ таоло Пайғамбаримиз Муҳаммад соллаллоҳу алайҳи васалламни Маккан мұкараммадан Қуддуси Шарифга кечанинг бир қисмида олиб боргани ҳақида сўз юритилган.

Исро ҳодисаси Ислом даъвати тарихидаги энг машаққатли ва оғир дамларда содир бўлди. Бу даврга келиб Муҳаммад соллаллоҳу алайҳи васаллам бошчиликларидағи оз сонли мусулмонларга нисбатан мушрикларнинг озорлари, қийноқлари кучайган, уларни Аллоҳнинг динидан қайтариш йўлидаги чиранишлари ҳаддан ошган эди. Ана шундай мудҳиш бир пайтда Исро ва Меърож ҳодисаси бўлиб ўтди.

Аллоҳ таоло Пайғамбари Муҳаммад соллаллоҳу алайҳи васалламни кечаси Маккан мұкараммадан бир зумда Байтул-Мақдисга олиб борди ва у ердан Меърожга олиб чиқди. Бу эса, ана шундай оғир бир пайтда у зот соллаллоҳу алайҳи васаллам ва мусулмонлар учун катта тасалли эди. Ноумидлик кайфиятини сўндириб, умид учқунларини аланга олдириш эди. Шунингдек, Исро воқеаси кишилар ийменини синаш омили ҳам эди. Ҳар бир нарсага моддий мўъжиза талаб қилиб турган мушрикларга бу воқеа ортиқча гап-сўзлар учун яна бир қулай фурсат бўлса, мўмин-мусулмонман деб юрганларнинг иймони қанчалик мустаҳкамлигини синаш омили ҳам эди.

Пайғамбар Муҳаммад соллаллоҳу алайҳи васаллам доимо Аллоҳнинг бандаси эканликлари билан фахрланиб юрар эдилар. Қуръони Каримда: «Масжидул Ҳаром» ибораси уч нарсага ишлатилади:

Биринчи, Каъбаи муazzзама атрофидаги масжид.

Иккинчи, Маккаи мукаррама шаҳри.

Учинчи, Маккаи мукаррама атрофида ҳаром учун белгиланган чегара, кофирлар кириб бўлмайдиган, ов овланмайдиган, ўсимликлари кесилиб ёки юлиниб бўлмайдиган, кўпгина маълум ишлар ҳаром этилган минтақага нисбатан ҳам ишлатилади.

Исро кечасида Пайғамбаримиз Каъбаи муаззама атрофидаги масжидда эмас, шаҳарнинг бир тарафида жойлашган аммалари Умму Ҳониънинг уйида ухлаб ётган эдилар.

«Масжидул-Ақсо»дан мурод Шоми шарифдаги Байтул-Мақдисдир. «Ақсо» сўзи узоқ, чет маъноларини билдиради. Масжид эса, ибодатхона, саждагоҳ маъносини билдириши ҳаммага маълум.

Ўша пайтда Байтул-Мақдис Маккаи мукаррамага нисбатан узоқ ва энг четдаги ибодатхона ҳисобланар эди. Шунинг учун ҳам уни «Масжидул-Ақсо» деб номлади.

Аллоҳ таоло Масжидул-Ақсонинг атрофини баракали қилиб қўйган. Байтул-Мақдис ҳақиқатда ҳам Аллоҳ томонидан баракотли қилиб қўйилган бир жойдир. Қадимдан бу ер Пайғамбарлар маскани, ибодатгоҳи бўлган.

Мусо алайҳиссалом, Ийсо алайҳиссалом ва уларнинг ораларидағи Пайғамбарлар ҳам шу ерда ўтишган. Уларга Аллоҳнинг вахийси шу ерда тушган. Шунинг ўзи ҳам ҳар қандай баракотдан устун. Шу билан бирга, Аллоҳ таоло бу жойни моддий томондан ҳам баракотли қилиб қўйган. Обҳавоси, зилол сувлари, серунум тупроқлари туфайли бу жойни серҳосил қилиб қўйган.

Суддий айтадиларки, бизга зикр қилинишича, Пайғамбар алайҳиссалом бир куни сахобаларига: «Обод уй» («Байтул-маъмур») нима, биласизларми?» дебдилар. Улар: «Аллоҳ ва Унинг Расули билувчироқдир», дейишиби. Шунда у зоти бобаракот: «У осмонда, Каъбанинг қоқ тепасидаги масжиддир. Агар қуласа, Каъбанинг устига тушади. Унда ҳар куни етмиш минг фаришта намоз ўқиёдиди. Улар бир кириб чиққанларидан сўнг яна қайтиб кира олмайдилар», дебдилар.

«Байтул-маъмур» зикри Пайғамбар алайҳиссаломнинг Исро кечасидаги ҳадисларида ҳам келади. У зот мазкур кечада ўша уйни кўрадилар, фаришталарнинг тавофи «Байтул-маъмур» эканини айтадилар. Яна у уйга Иброҳим алайҳиссалом суюниб ўтирганларини кўрганликларини ҳам

айтганлар.

Бу ҳақдаги барча ривоятларни түплаб ўрганилгандан сўнг хulosа қилиб айтиш мумкинки, «Байтул-маъмур» еттинчи осмонда, Каъбаи Муаззаманинг тепасидаги бир уйдир (яъни, масжиддир). Уни ҳар куни етмиш минг фаришта тавоғ қилади ва уларнинг кўплигидан бир тавоғ қилгани яна қайтиб кира олмайди. Ерда Каъбатуллоҳ қандай улуғланса, осмонда «Байтул-маъмур» ҳам шундай улуғланади.

Сидратул-мунтаҳа ва Меърождаги бошқа нарсалар ҳақида Қуръони Каримда ҳам маълумотлар бор. Келинг, улар билан қисқача танишиб чиқайлик.

Қуръон оятларида зикр этиладиган нарсалар Пайғамбаримиз алайҳиссалом учун Меъроҷ кечасида содир бўлган эди.

«Ва дарҳақиқат, уни бошқа сафар кўрди.

Яъни, Мұхаммад мустафо соллаллоҳу алайҳи васаллам Жаброилни яна бир марта, Сидратул-мунтаҳа (тугаш дарахти) олдида», кўрдилар. Сидра-дараҳт, мунтаҳа-интиҳо, тугаш демакдир. Бу дараҳтнинг Сидратул-мунтаҳа-тугаш дараҳти деб номланишининг сабаби бор. Осмонда фаришталар ўша дараҳт олдигача бора олар эканлар, холос, ундан нарига ўта олмас эканлар. Ундан нариги томонда нима борлигини Аллоҳ таолодан ўзга ҳеч ким билмас экан. «Унинг ҳузурида Маъво жаннати бор». Яъни, тугаш дараҳтининг олдида жаннати Маъво исмли, тақводорларга ваъда қилинган жаннат бор. «Ўшанда, у(дараҳт)ни ўрайдиган нарса ўраб турибди». «Ўрайдиган нарса»нинг нима эканлиги оятда очиқ айтилмаган, шунинг учун тафсирчилар бу ҳақда турли фикрларни айтганлар. Жумладан, Аллоҳнинг нури ёки фаришталар ҳам дейилган. Лекин оядда муайян бир нарса айтилмаганлигининг ўзи «ўрайдиган нарса» васфдан ташқари улкан эканлигига далолат қилади.

Имом Аҳмад Ибн Масъуддан қилган ривоятларида: Исро кечаси Пайғамбар алайҳиссалом тугаш дараҳтига бориб етдилар, у еттинчи осмонда эди. Ердан чиққан нарсалар ҳам, юқоридан тушган нарсалар ҳам унга етиб тўхтайди. Ўшанда Пайғамбар алайҳиссаломга беш вақт намоз, Бақара сурасининг охири, умматларидан ширк келтирмаганларининг мағфират қилиниши хабарлари берилган, дейилган.

«Нигоҳ бурилмади ҳам, ҳаддидан ошмади ҳам». Яъни, Мұхаммад алайҳиссаломнинг нигоҳлари бурилиб, Меъроҷда ортиқча нарсаларни

кўрганлари йўқ. Шунингдек, ҳаддиларидан ошиб, амр бўлмаган нарсаларни ҳам кўрганлари йўқ.

«Дарҳақиқат, ўз Роббисининг улкан белгиларини кўрди».

Муҳаммад алайҳиссалом Меъроҷ кечасида Аллоҳнинг қудратига далил бўлувчи улкан белгиларни, жумладан, жаннатни, дўзахни, Обод уйни (Байтул-маъмурни), ўтган пайғамбарларни, Жаброил алайҳиссаломнинг асл ҳолатларини ва бошқаларни кўрдилар.

Ғайбга тааллуқли мазкур нарсаларни Пайғамбар алайҳиссаломга кўрсатилишининг ҳикмати кўп. Жумладан, у зот кишиларни даъват қиласиган нарсаларини ўз кўзлари билан кўриб, қалбларидан тасдиқлаб олсалар, даъват осон кечади. Халойикқа ҳужжат келтириш осон бўлади, мўминларнинг қалблари таскин топади ва ҳоказо.

Муҳаммад алайҳиссалом ўз кўзлари билан очиқ-оидин кўрган, қалблари ишонч ила тасдиқлаган, ҳужжатли ва далилли нарсага кишиларни чақирганлар.

Siyrat.uz ва islom.uz сайтлари асосида Хуршид

Маъруф тайёрлади